

台湾史料汇编



中国文献珍本丛书

台湾史料汇编（八）

全国图书馆文献缩微复制中心



台湾史料汇编目录（八）

粤闽巡视纪略：附纪澎湖台湾	一
〔乾隆〕台湾县志	四九
台海见闻录	一八九
番社采风图考、台海采风图考	四九五
〔光绪〕台湾小志	六四七

粵閩巡視紀畧

附紀澎湖臺灣

經筵講官工部尚書

臣杜臻述

澎湖有三十六島縱橫三百餘里

此據新圖實錄云二百餘

里閩海實錄云其地勢在泉州料羅漳州鎮海

之界與舊與大擔相對自內地東渡順風一日

二夜可至閩書附晉江縣云地近琉球昔人於

此置兵防琉球今則防倭元島夷志云自泉州

順風二晝夜可至有七澳曹能始志勝云自郡

東出海門舟行三日始至鄭若曾云風順尚有
日半之程指揮唐垣京彭湖要覽云係琉球山
川地界泉漳興福其去內地也埒於琉球諸書
所載不同茲從閩志附之晉江之後云前代事
不可考隋開皇中遣虎賁郎將陳稜帥師至其
地虜男女數百人而還唐施肩吾有彭湖詩云
腥臊海邊多鬼市島夷居處無鄉里黑皮年少
學採珠手把生犀照鹹水蓋亦嘗有至焉者明

洪武五年以其民叛服不常大出兵驅其大族徙置漳泉間今蚶江諸處遺民猶存嘉靖之季賊首曾一本林鳳據爲巢穴萬曆元年總兵俞大猷逐倭寇嘗至其地二十年朝鮮告倭且入犯議者謂不宜坐棄澎湖於是設把總一員以十六舟戍之隸於南路叅將及泉南遊擊令與浯銅二寨時相策應其汛地北起北山南盡八

鬪澳

地圖作八

北山龍門港丁字門西與頭曰最

附紀

衝娘宮前蔣上澳曰次衝春汛以清明前十日
爲期駐三月而返冬汛以霜降前十日爲期駐
兩月而返後以孤懸海表議罷啓禎以後鯨鯢
荐食益不可問矣其氣候常溫多風少雨涉海
者重絮而行旣至則易暑服其土燥剛不宜木
與禾黍惟多雜茅泉味澀滷其民多泉人僑處
苦茅以居朴野多諄土布爲衣耕漁畜牧以自
給煮海爲鹽釀秫爲酒掇羸蛤魚蝦以佐食藝

牛糞以爨燃魚膏爲油尤多畜羊羊特肥大孳
生山谷間千萬爲羣其主各刻角以誌或烙毛
務耳夜亦不收卒不相亂也黠者或行賈於外
致饒裕其爭訟擇年長者爲主有事則就決之
間有不能平則詣晉江縣陳白以聽斷焉其物
產穀則胡麻菜豆藥則天門冬蒺藜山茨菇蟲
獸則山猪蜈蚣花蛇及鼠山猪類常猪而色赤
性矯健善跳躍捕之不易有毒食之輒發瘡癰

花蛇蜈蚣彌山皆是花蛇大者長丈餘小亦不下五六尺晝日伏藏地下夜乃潛至几案間揣之不嚙卽偶見嚙亦不至大創也海石間出烏魚一名鱮魚本生江南每春日輒來就石廉打子蓋魚子須跳擲乃出也又產白芥菜高五六尺其子中入藥絕佳茉莉花瓣香尤酷烈又有藤蔓可爲燂洗兵船之用其民以地近琉球夜不舉火言夷船望見烟起必來抄掠居中六澳

曰娘娘宮可泊南北兵船五六十艘遊總處之
其餘諸島重疊相包無大高山望之不過如覆
釜水曰澎湖溝分流東西泉漳人行賈呂宋必
徑其間自此以東爲順流其返也過澎湖而西
復爲順流自娘娘宮而西至西巔頭曰左哨稍
南至蔣上澳曰右哨二哨去中營各水程四十
里二哨自相去水程三十里西巔頭有山稍高
度可十六丈可泊兵船四十餘其險阨曰內塹

外塹稍北十里曰蟬仔澳可泊南北風船十餘

各有漁寮水源

新圖又有大池角小池角吼
硫礮員門司礮礁竹篙澳稍

北二十里曰丁字門其澳迫窄僅可容四五舟

有水源無漁寮爲寇夷樵汲所至

新圖有大吼
門小吼門

過此十里爲西北大洋稍東二十里曰鎮海港

員背嶼各有水源漁寮

新圖有赤墩萬丈潭土
地公金嶼姑婆嶼鐵砧

嶼

但水淺礁多舟不易往第於北山築墩探瞭

而已西嶼頭內十里曰菓葉澳可泊十餘舟有

水源無漁寮又自西與頭分道至通梁仔瓦硎

港大礮各水程二十里中墩三十里

新圖菓葉甚遠中墩

甚近小有不同中墩一稱上門

各有漁寮水源亦以水淺礁多

止可遠瞭凡此皆左哨汛遊所及也蔣上澳可

泊北風船四五十

新圖其旁有岑圭嶼狗沙嶼毒嶼鐵線尾

西行水

程五里有小嶼曰大城與小城相對可泊南風

船十餘自蔣上東北行水程二十里曰文龍港

即龍門港之誤

新圖作良文港

可泊北風船十餘有水源漁寮

新圖其旁凌波嶼
芝眉嶼旋齒礁
爲寇夷樵汲必至之地哨邏

至此而廻稍南五里曰林投仔

新圖其旁有鎖管港猪母落水

有水源冬哨始有漁寮春夏無之也由此東北

水程十里曰圭壁港又北五里爲青螺仔頭

新圖

其旁有洪林罩蚱脚嶼鼎灣仔沙港雁精嶼蟬廣

各有水源漁寮但礁

多水淺常於太武山遠瞭及之不能時往並蒔

上而西五里曰楓櫃仔山

新圖其旁有大帽山沉礁四角嶼龜龍嶼

番墓
下
有水源漁寮北行水程二十里曰安山仔

可泊南風船二十餘又北十里曰東港尾有水

源無漁寮可泊南北風船二十餘

新圖自此復近祖媽宮

左哨汛遊所及畧盡於此西嶼頭之極西又有

吉貝嶼孤隔多礁

新圖其旁有布袋澳沙員日嶼沉礧北磽其東有屈瓜飯

籃蓋白沙澳北境盡處也

與南面之八關嶼遠隔一潮水雖

有漁寮水源均非哨瞭所及也新圖與舊畧異

娘娘宮作祖媽宮大城太武山與之連壤不云

小嶼也自祖媽宮稍西盡西垵仔尾有新城蓋

寇所築以屯兵者

其旁有後屈潭水燒平牛心礁西衛

而八關之

旁澳與甚多

在北者曰鴛鴦窟捕魚坑水按虎井桶盤嶼三將軍石在西者曰大

花宅小花宅花嶼草嶼沉礁大貓嶼小貓嶼在東者曰挽毛潭網按在南者曰頭巾嶼鐵砧礁

稍遠至西南有湖內社

撻鉄成質潭

東北有尾崧田

將軍柱

後代仔

極南有東嶼平西嶼平鐘嶼等更南有

東吉與西吉嶼斧頭爭等皆明世所不及知也

臺灣舊名東番不知所自始其人聚處無君長

不通中國亦未嘗屬於外番泉漳市舶私與往

來不聞於官司也萬曆三十年爲倭所據浯嶼
營將沈有容出舟師擊之有連江人陳第者以
薊鎮遊擊家居與偕往共破倭泊舟大員其酋
長大彌勒等持鹿酒以獻因備詢其土俗及山
海形勢述之成篇第倜儻能文起家諸生後乃
去而習武爲總兵俞大猷尚書譚綸所賞識遂
以武秩進著有意言謬言毛詩古音攷伏羲先
天圖續太史焦竑亟稱之自有第記而後釐考

屬國者始知有所謂東番云其畧曰東番在澎湖外洋中自烈嶼航海一晝夜至澎湖又一晝夜而至加老灣其地起魴港加老灣歷大員堯港打狗嶼小淡水又有雙溪口加哩林沙巴里大幫坑皆其居也斷續凡千餘里種類甚蕃別爲社社或千人或五六百推子女多者爲社長聽其約束性好勇喜鬪暇輒習走晝夜不止足躡皮厚至數分履棘刺如平地捷及奔馬度終